

41. *Echinomyia obliqua* nov. sp. ♂ — Nigra, capite ex flavo albido, abdomine obscure testaceo, segmento ultimo praeter basim atro, nitido; antennae atrae; pedes nigri, tibiis testaceis, anterioribus tamen infra nigris, intermediis supra setas aliquot nigras validissimas gerentibus; alae ex nigro fuscae, basi et costae dimidiae limbo subfulvis. Long. corp.  $5\frac{2}{3}$  lin. — Long. al. 5 lin.

42. *Trypeta munda* nov. sp. ♀ — Superius testacea, inferius pallidissime flavescens, vittis thoracis, scutelli disco, metanoto, tribusque abdominis fasciis nigro-fuscis; alae hyalinae, vittâ biarcuatâ nigro-fuscâ ornatae. Long. corp. cum terebrâ 3 lin. — Long. al. 3 lin.

Obs. *Trypetae* (*Hemileae*) *excellenti* persimilis est, sed vittâ alarum biarcuatâ latiore abdomineque trifasciato distinguitur.

43. *Trypeta fasciolata* nov. sp. ♂ et ♀ — Lutescens, vittis thoracis confluentibus, metanoto abdominisque fasciis latissimis fuscis, his in anterioribus segmentis interruptis; occiput nigro bimaculatum; superus pleurarum margo albo-vittatus, alae pure hyalinae, maculâ stigmaticali, maculâ subapicali, strigulâ interjectâ costali fasciisque tribus angustis utrinque valde abbreviatis nigris, summo apice albicante, venâ longitudinali tertiâ setosâ, ultimo quartae segmento arcuato. Long. corp. ♂  $2\frac{1}{2}$ , ♀  $3\frac{2}{3}$  lin. — Long. al. 3 lin.

Obs. *Trypetae* (*Rhacochlaenae*) *toxoneurae* similis et valde affinis.

44. *Argyrites melaleucus* nov. sp. ♂ — Ater, antennis, pedibus, halteribusque concoloribus, abdomine argenteo: alae albiae, venis longitudinalibus secundâ et tertiâ apicem versus divergentibus, tertiâ et quartâ convergentibus; frons et facies angustae, setosae. Long. corp.  $1\frac{1}{6}$  lin. — Long. al.  $1\frac{1}{6}$  lin.

Obs. Ab *Argyr. parvo* Macq. halteribus nigris alarumque setâ costali nullâ differt.